

Եւ յաւազ հինգշարթի յետ կէս աւուրն
այլ զանկակ չի քաշեն մինչ զատկի ճրագալու-
125 ցին, զի սուգ է. եւ տէլալնին կանչեն, թէ
աստի մինչ միւս հինգշարթին այլ դատ եւ
իրաւունք չի լինի, այլ փակին տիւանք եւ
իրաւանց տեղիք: Այլ եւ հրամանք է յարքու-
նուստ, զի մի ոք յաւուրսն յայնոսիկ մարմնա-
130 ւոր իրս կամ գործս զբաղեսցի, այլ միայն
եկեղեցիս գնալ, աղօթից եւ քարոզից ունկն
գնել, զի այն օրերն ամէն եկեղեցիք իրեք
չորս անգամ քարոզ կու լինի:

Իսկ այս շարաթս (տօնից) եղկելի
135 Հրեայքն բնաւ չերեւին (ի հրապարակս). այլ եւ
թագչին յամուրս եւ ի տունս փակին. այլ եւ
զինուորս գնեն պահապան դրանցն՝ վասն ահի
եւ երկիւղի քրիստոնէից: Բայց այնու եւս ոչ
գերծանին, այլ մեծ վնաս կրեն ի ստուտէն-
140 դից, որք են սօխթայք. միարանին ի միասին
բազումք եւ երթան ի փողոցս եւ ի հրապար-
ակս եւ ի տունս Հրէից, պատեն եւ բազում
վնասս գործեն, զոմանց դրունս կործանելով,
գայլոց զտունս, կիսոց զպատուհանս խոր-
145 տակելով. եւ զորս գտանեն չարչարեն, թալ-
նեն, եւ զայլս սպանանեն: Եւ զայս սովորու-
թիւնս ունին Հոռոմայեցիք ի նախնեաց՝ առ-
նուլ վրէժն Քրիստոսի, որպէս երբեմն կայսրն
Ուստրանոս, Տիրերիոս, Տիտոս եւ Վեսրիա-

127 յիրաւունք: — 128 յիրաւանց: — 130 սպա-
ղեսցի: — 132 գրնել: — 135 հրէայք: — 138 յերկիւղի: